

Jekabarara

Jamana Ciketa ceman n'a muselman kunnafonisben

Faamuya

Yiriwaton


Boko 105 nan
1994 SAN KALO SEEGINNAN

d. 20

NGOLOBUGU, NKAANADUGU ANI KENEYA KAFOYIRIWATON



Balikukalan be
sen kan Kodowari
jamana kono



Dakun w

№ 2 : Mali koorisenenaw, an ka
koori bo joona

№ 3 : Ngolobugu, Nkaanadugu
ani keneya kafoyiriwaton

№ 7: -Ka bɔ Kodowari koori cikeda
"CIDT" kunnafonisben ("CIDT"

Info") kono

№ 10 : Kodowari jamana

№ 11 : Laben kelenw 1994/1995
baarasan sannifeere kecogo
numan kanma.

№ 12 : Karamogo Yoro ka maana

Kalo laadilikan

Seba te fenjugu fere-fere k'a bila a
den koro. Dine kono, netaa be n'a
ka laadilibolo don. N'o laadiliw de
matarafara, sorɔ be yiriwa, awa
nisondiya fana be sorɔbaaraketaw
la. Koori nafa dun bilama taalan
ye koori- bo-joona ye. An k'o ke
n'an b'a fe an ka koori k'an nafa ƙa
jamana nafa.

Tumani Yalam Sidibe

"Daniya numan ni Kumamugu in si te jamana nafa, fo kelen : WALEYA" (Abdulayi Bari)

Mali koɔrisenaw, an ka koɔri bɔ joona!

Ni sannikela sera sugu dɔ la, a bɔ fɔlɔka sannifɛn numan de jini da nɔgɔn na. O kera bololafɛn dilannen ye o, walima magonjeminɛn fɔlɔw (cikɛ taasira walima izinifɛn w taasira fe), walima baarada taasira fe.

Jagofɛn numan feereli ye wajibi de ye jagokela bɛe ma walasa ka sanga don a ka jagofɛn na sugu kɔnɔ ani k'a yere tɔgɔ diya.

Fen min y'an ka koɔri lahala ye kerenkerenneny la, an ka kan k'an hakili lajigin a la ko: fo ka se 1980 sanw ma, Mali koɔri tun dawula ka bon haali djiɛ koɔrisugubaw kɔnɔ. Mali koɔri de tun bɛ Afriki koɔri feeretaw jekun na Faransi jamana ka koɔri jagodaba fe, min bɛ wele ko: "COPACO" (Kopako).

Mali koɔri sanga binni daminena koɔri labaara law fe ka bi 1988/1989 baarasan koɔri suguya yelemani.


Walasa an ka koɔri k'a ka sanga kɔrɔ lasorɔ kokura, MAKOCI jemogosoda ye feerew sigi sen kan ka bi 1990 san.

Olu file:

- Koɔri suguya "ISA" latununi feere tigeli;
- Koɔri wurusi iżini rɔkurayali walasa koɔri labaara tate bɛ ne ka t'q fe;
- Kolɔsili labanbanni koɔrisiriw kan, ka bi wurusi izini la, ka s'a donini ma fo k'a lase gejida waati-makɔnon-magaw kɔnɔ;
- Kunnafoni lacayali cikelaw ye, koɔri kaliteko kan koɔrisuguw kɔnɔ;
- Koɔriforow ladon kojuman;
- Lakɔlidenw ka ladilikanw latiimeni a jemma koɔri furakeliko la;
- Lakɔlidenw ka ladilikanw latiimeni a jemma, koɔribɔ sente;
- Bore manamaw labilali ka bi koɔribɔ sente foro kɔnɔfoka sekoɔrisugu kɔnɔna ma;
- Koɔri-bɔ-joona.

An be dom min na i kobi, MAKOCI ka feere tigelen barikama lawaleyara koɔri kalite jumanyako la:

- Koɔri wurusi izini koorow rɔkurayali ani minnu be baara la;
- Izini koorow rɔkurayali bɛ senna



- Izini kura dɔ joli bɛ senna Kucala, Kumantu ta kofe. Awa izini kura caman fana joli bolodalen don san nataw la. 1994/1995 baarasan ye koɔri suguya "ISA 205" silatunu san ye, k'a nonabila ni suguya ye min ka ni kosebe foro kɔnɔ ani izini la. Nka tɔba be koɔri kalite jumanya la foro kɔnɔ. Nafaba danqonntandebɛ koɔri boli la bolo la ni masin ta ye, n'a y'a sorɔ i bɛ lakɔlidenw ka ladilikan labatu.

An ka kan k'a don ko koɔrimugu kalite bɛ bɔ koɔri yere jɛ jumanya de la, kabi foro kɔnɔ fo ka se koɔri bolen lasagonyɔrɔ ma. Koɔri koloma jɛ jumanya sugukɔnɔani koɔri ladoncogo b'o serekulu la, k'a t'a lamarayɔrɔ la fo ka se a donini ma ka bɔ dugu kɔnɔ.

Masin jɔyɔrɔ doonin dɔrɔn de bɛ koɔri kaliteko la.

Bi bi in na, cikela fanba ka koɔri dita hakeda (98% fo 100%) ye kalite fɔlɔ ye. Nka, hali bi, cikela dɔw fana bɛ yen minnu ka koɔri feeretata bɛ jigin 90% jukɔrɔ kalite fɔlɔko la.

Furancɛ min b'o cikelaw ni nɔgon ce, o ye koɔri ladoncogo ye an'u mako doncogo koɔribɔ la.

Fen min ye nafako ye, an ka kan k'a don ko koɔri kalite fɔlɔ ni kalite filanan furancɛ b'a ta dɔrɔmɛ 13 la fo ka se dɔrɔmɛ 20 ma. Ni a dun kera gelya

donni ye koɔrisugu kɔnɔ, koɔri kalite fɔlɔ dɔrɔn de bɛ jini o waati la k'a san.

An ka kan k'a don fana ko koɔri kalite jumanya deb'a to MAKOCI ni koɔrisene taabolo siratege bɛ bɛ nafa sorɔ koɔri la, min kafisa u bɛe ma.

Kunceli siratege la, ka da koɔri sorɔta hake cayali kan iziniw ka baarafanga ma, 1994/1995 baarasan la, an ka kan ka koɔri wurusili damine joona, ka kon san tow ta daminewaati jɛ. Cikelaw bɛ ka MAKOCI ka dabali tigelenw matarafa, o b'a to an bɛ se ka feere jumana sorɔ koɔri danmatemen sorɔli la ninan. Nk'o man kan k'a to an ka jine koɔri kaliteko ko.

Koɔri-bɔ-joona b'an kisi koɔri sugu masiba ma, min sababu ye nɔrɔnan ye (sukaroji min bɛ da koɔriden kan nkɔbɔnnin fe u dayelenwaati, ni koɔri meenwa foro kɔnɔ); Koɔri nɔrɔnan lakodɔnni koɔrimugu la, o ye koɔri galali sababuba dɔ ye. O fana ye sababu gelén ye, min ka kan k'an bila an ka koɔri boli la u kuru dayelenwaatinin.

A wajibiyalen don an kan an ka nin gelyako fɔlenw kɔsagon, ka masɔrɔ an ka nafa n'an ka sinjɛsigi b'o de la.

N ka foli b'aw bɛe ye.

Lamisa Bayoko
MAKOCI jemogon Faransi koɔri labaara (COPACO) la.

Ngolobugu, nkaanadugu ani kənəya kafoyiriwatōn

Ngolobugu ye kafoyiriwatōn ḥana ye, min bə MAKOCI ka Doyila cikəkafo fe, Fana cikemara kono. "Aw" dugu 12 deb'a kono. Olu ye: Ngolobugu; Kaya ; jigila ; Kalabugu ; Corona ; Namajo ; Konsogola ; Nadumana ; Bafinna ; Segeye ; jigibugu ani Fotigijana.

Ngolobugu dugu yere bunaadadamaden kuuru hake ye 1015 de ye. Ngolobugu kafoyiriwatōn kono mogo hake ye 5135 ye.

Siya minnu bə Ngolobugu, olu fanbaw ye fulaw ye (sangarew). Nka numuw fana bə yen.

Diina yesilameya ye, nka ladalakow fana ma ke bolokofefenw ye.


O ladalafenw la, da bə se ka se dugu jiriba ma, delili bə ke min koro sanjiko geleya la. Boli do fana bə yen min ye sojenikelaw kala ye. Awa dugu dasiri nkaanaw fana bə Ngolobugu dugu kono. U ni dugu sigibagaw bə sigiñgonya ke. U te faga.

Ngolobugu kafoyiriwatōn sigira sen kan 1991 san kalo 6 nan de la.


Ngolobugu kafoyiriwatōn ma totogo danma sɔrɔlima. Ayetogo in labanban ni waleya ye. O de kanma, ka b'a sigira sen kan fo ka se bi ma, baara sabatilenw kera a kono. An bə se ka misali folo min sɔrɔ o la aw ye, o ye 1993/1994 baarasan sɔrɔw ye forow kono :

Koori : təni 815 ani kilo 371

No : təni 1710 (saŋo ni kənənge)



Ngolobugu kafoyiriwatōnkuntigi
Bubakari Dunbiya



Ngolobugu kafoyiriwatōnkuntigi an'a "AV" biro mogow

Kaba : təni 431 ani kilo 520

Tiga : təni 36 ani kilo 582

gere-kan-malo : təni 173 ani kilo 736

so : təni 145

soja : O ma sene

Bene : O ma sene

Fini : O kilo 200

Nin baaraba in te se ka lawaleya baara kəminenw ko. O de kanma, an

y'an magere an balimake-la, n'o ye Ngolobugu kafoyiriwatōnkuntigi ye. A ye kunnafoni min d'an ma o kan, o file nin ye :

wotoro : 153

tarakiteri : 2

Dabanana : 317

Kurucilan :

Fali : 240

Misi : 4761

Saga ni ba : 2523

So : 9

Dabafin : 477 (MAKOCI ni numuw

ta bəe kafolen) koori furakemasin :

batagaji : 208


binnagasi furamasin : 45

O kuuru : 253.

Fen min ye kalanko lahala ye, o fana bə sen kan haali Ngolobugu kafoyiriwatōnkono. Okunnafoniw file :

Balikuklano : 11

Kalanden cəman : 88



Ngolobugu dögötörösoba

Kalanden musoman : 28

Karamogo ceman : 16

karamogo musoman : 4

(Nin hakew ye ninen kalan lahala de ye).

Tari 2933 de kenehake senena Ngolobugu kafoyiriwatōn kono, 1993/1994 baarasan na.

Ngolobugu kafoyiriwatōn ka baara lawaleyalenw netaa kadara kono:

Balan : O be kō kono

Musow ka nakō tari 1 ni tila.

Magasaba 1

Kafojigine (nesigi jigine) 1

Dögötörösoba 1

Ngolobugu dögötörösoba :

Dögötörösoba in ye kafoyiriwatōn de ta ye. A sigira sen kan ni MAKOCI ka demen ye ani duguw kōnomogow ka faamuya, keneya joyorōla, adamaden ka dijenatige la.

Yoro don, dögötörösobaw kono baaraw bée be ke yoromin: Banabaatō lajeli; a furakeli; denmisenninw səgoli ; Opereli, Muso kōnoma kōlosili an'a lajigini ko numan.

Bee lajelen danma ka kan dögötörösoba in na. Ngolobugu

kafoyiriwatōn kōnomogow, a dafeduguw kōnomogow fo ka se yoro-jan mogow ma, i n'a fo Kodowarika dow. K'a ta dögötörösoba in dayelendon na fo bi, dögötörösoba ye mogo 4133 de laje. Tile o tile, banabagato mogo 10 fo ka se mogo 60 ma, olu de be t'u yere laje ani k'u yerefurake dögötörösoba la.

Mogo be dögötörösoba lasorō cogodi ?

Lajelisəben tali y'o wajibi folo ye. O lajelisəben ye suguya fila ye :

Tondenseben, o sōngō ye dōrōme 60 ye. Mogō min te ton na, o ka səben tata sōngō ye dōrōme 120 ye.

Seben olu kelen-kelen bee kelen tali be mogo mako ne bana kelen furakewaati kuntaala bee kono.

Dögötörösoba in kera sigida mogow ma sababu numan ye. Den folominnu yere wolola a kono, dögötörösoba b'olu kene yako bee lajelen ta fu falaki san 5 kono !

Dögötörösoba baarakelaw :

- Dögötöröba : 1

- Furakelikela : 1

- Furakelikela demenbaga 1

(Olu be dögötöröba demen a ka baaraw la).


- Muso kōnoma ladonbaga n'a lajiginna : 1

- Furafeerela ni wariko nənabola : 1

- yoro furanna ani ci misenninw kēbaga : 1

- yoro kōlosila : 1

Dögötöröba yere ka fo la, bana min be s'u ma ka caya, o ye sumaya ye. Nka, kōnabanaw be furaké fana. Opereliwariyere manca. Dōrōme 1500 ye kono farali opereli ta ye. Kayabana fana be furaké yen. An hakili la, sooni nəfuraké yere fana bēna ke yen, ka



Opereli baara do Ngolobugu dögötörösoba kono

masorɔ o furakeyɔrɔ de m'a yamaruya
d'u ma fɔlɔ !

Mun m'an jemine dɔgɔtɔrɔso la ?

- O fɔlɔ ye kofowalanbantanya ye
ani yɔrɔw kuntilennadi pilakintanya.
An kelen folɔka dogotoroso in ye, sanni
u k'an kun da a kan, a ker'an kɔnɔ fɔlɔ
de ko lakoiso don !

- A filanan ye bolifentanya ye. K'a
bo motoba kelen na, min be dɔgɔtɔrɔ
yerɛ bolo, bolifen (mobili) si te
dogotoroso bolo banabagatow donini
kanma.

bɔ Bafinna

Sebenjenabola dankan : Sidiki
Sidibe, ka bɔ namajo

- **warimarala :** Hamadi Trawele, ka
bo, Kaya

- **warimarala dankan :** Bala
Sangare, ka bɔ Ngolobugu

- **Kolabenna :** Dulayi Sidibe, ka bɔ
nadumana

- **Kolabenna filanan :** Bala Sangare,
ka bɔ jigila

- **Fokabenna :** Neyini Sangare, ka
bo kalabugu


de file nin ye :

"Ngolobugu kafoyiriwatɔn sigira sen
kan 1991 san kalo 6 n tile 12. O kelen,
an y'a jini kafoyiriwatɔn tɔndenw fe,
k'u ka u hakili jagabo jama-je-fen do
kan-min lawaleyalibekɔjekologirinyali
sababu ye tɔndenw ni jɔgɔn ce. Ofen
ka kan ka ke nafa lasefen fana ye
tɔndenw bɔe ma. An k'u ye ko n'o fen
suguya o de lawaleyara unijɔgɔn ce,
k'o b'u ce je labanban. Q de dun fana
y'an sigikun ye. K'a jini ka fèn
barikama lase an kamara kɔnɔmɔgɔw
ma min b'u bɔe nafa. O bɔe ke sababu
ye k'u jigi don jɔgɔn na. N'o kera, dɔ
be fara u ka cesiri kan. O de kanma
dugu 12 in bɔe kelen-kelen ka cidenw
koseginna u bɔduguw kɔnɔ, u n'u ka
mɔgɔw ka jɔgɔnfaamu tɔnsigi ke. O
kelen, kafoyiriwatɔn ye jɔgɔnyefilan
fana ke. Hakilinan caman fora o kɔnɔ.
Dɔw ko k'olu b'a fe magasaba dɔ ka jo
; dɔw ko k'a kafisa dabaminen
feereyɔrɔ de ka sigi sen kan ; dɔw ka
kanufen kera fura feereyɔrɔ ye ... Ne
y'a f'u ye ko ni mɔgɔ min ye fura
feereyɔrɔ dayelen ka sɔrɔdɔgɔtɔrɔsɔt'i
bolo, o ye su donni y'i fe k'a kɔ n'a
senw to kene. O rɔ, a ka kan aw ka
dɔgɔtɔrɔso dɔ jo. Aw ka fen fɔlenw bɔe
be sɔrɔ o de kɔnɔ ka fara kene ya kan!
Ala y'a ke u ye n faamuya. U dijena
n'o ye".

**Musaka jumen donna dogotoroso in
da fe ?**

An balimakɛ Bubakari Dunbiya ni
Ngolobugu "Aw" biro-jemogowyem in
fɔ an ye o la, o file nin ye :

Mɔgɔw benn'a kan ko ka dɔgɔtɔrɔso
jo. Nka n'i ye mugu k'i da o t'a ye, a
nigin-jiko de don. An y'a ye ko



Ngolobugu kafoyigine

Jekulu jumen be dɔgɔtɔrɔso kɔlosi ?

Walasa baaraw ka ke konuman,
jelənya ani ladiriya kɔnɔ, jekulu sigilen
be sen kan min ye Ngolobugu
kafoyiriwatɔn jekulu mɔgɔw ye. O
jekulu de be dɔgɔtɔrɔso baaraw kɔlosi
an'a musakakow. O tɔn jekulu mɔgɔw
n'u bɔduguw :

Peresidan : Famolo Sidibe : ka bɔ
jigibugu

Peresidan dankan : Cece Sangare
: ka bɔ kalabugu

Sebenjenabola : Dulayi Sangare, ka

- **Fokabenna filanan :** Burama
Sidibe, ka bɔ corona.

- **Kolosilikela :** Burama Sidibe, ka bɔ
konsogola

Dɔgɔtɔrɔsoba in sigicogo sen kan

Ni mɔgɔ min ye baaraba in n'a
jɔgɔnna ye, i ka lajini fɔlɔ be ke min
ye, o de y'a jini-ka-dɔnni ye a sera ka
lawaleya cogodi.


O de kanma, an y'an magere an
balimakɛ Bubakari Dunbiya la, n'o ye
Ngolobugu kafoyiriwatɔn kuntigi ye. A
ye min fɔ an ye dɔgɔtɔrɔso ko in kan, o

MAKOCI KUNNAFONI

nafolomafen min bë yan, o ye koori de ye. An ko jama ka dijen ka soro hakenin dō bila kerefe san o san. An ye tōni kelen o tōni kelen dōromē 400 dajira u la. U taar'o dajira u bōduguw mögōw la. O tun te ko gelemanba ye ka masoro, n'i kera kafoyiriwatōn ye MAKOCI kono, i bē dōromē 600 de soro tōni kelen-kelen bëe kunkanfen ye ... Ben ker'o kan. Cikelaw ye nafolo fara njogon kan o cogo de la. O kera o cogo de la fo ka se sefawari miliyon 8 ma. (8.000.000). Dogotoroso musakawari kuuru ye sefawari miliyon 15 de ye (15000.000). Kafoyiriwatōn cikelaw kelen ka sefawari 8.000.000 in soro, u y'a jini ko MAKOCI ka don unicikelaw ka waribon ce, n'oye BNDA ye, walasa u bë se ka juru soro k'u ka wari dafa 15.000.000 la. Ala y'a ke MAKOCI njemogowwulira k'u jöye, ka juru jini BNDA fe (miliyon 7). O miliyon 7 de Kafora cikelaw yere ka miliyon 8 kan ka miliyon 15 soro.

Dogotoroso nafaw

An balimake Bubakari Dunbiya ka fola, dogotoroso jora kun min kanma, a y'o minen fa. O ye bën ni kelenya sabatili ye kafoyiriwatōn kōnomogow ni njogon ce. An y'a kolosi ko ka bi dogotoroso in jora, dō de bë ka fara bën kan ka t'a fe cikelaw ni njogon ce. Dogotoroso joli nana ni baara were lawaleyali hakilinan jiginni y'an kono. O ye kafojigine ye. Kenye te se ka saramaya soro faantanya kono abada! Kafogins ye cikelaw ka waribon de ye. Uyerewde bë wari bila a kono awa u bë neji ceyoro soro a kono geleya waati la ! O siratege la, kafogins njemogo baarada min bë Kucala, o



Ngolobugu dogotoroba Jibrili Bagayoko

nanan'obaara in minenwyé k'udemén o la. Bi-bi in na, kafojigine fana ye kenekankoye an ka kafoyiriwatōn kono yan.

Dogotoroso labaaracogo

Walasa baara in bë ke a jëma, dogotoroso kolosi jekulu (n'ode ye kafo yiriwatōn biro fana ye) o de b'a wariko bëe lajelen jenabo. K'a ta fura sannenw segesegeli la, ka se dogotoroso yere ladonni ma. Nka, i'n'a fo dogotoroba yere da ser'a ma an ye cogo min na, n'o y'an balimake Jibirili Bagayoko ye, baara in ka jësoro bë MAKOCI ka demenjogonya de la ka t'afe: ka dōfara dogotorowka faamuyali kan n'o feerew tigeli ye, ka minen sabatilenw lase dogotoroso ma (dogotoro Jibirili Bagayoko ka fo la, dogotoroso konominen bëe y'ale yere dete ye !) Ka baara jogonya bërebëre don MAKOCI Ka lasigidenw ni dogotoroso mögōw ce.

Kunceli

Anw fe yan, jekabaara sebenyoro la, nisondiya ni kunnawolo de y'an ta ye. K'a ye ko dugu walima dugu

serekulu kelen bë se k'i disi da nin njogon baara gelén na, o ka se ka jësoro nin cogo in na, o ye taarekoba ye mögō te min njogon ye yoro bëe ani waati bëe. Nka ko kelen kono fana bë yen, tijé were te min ko; 'Ni adamadenw benna, u bë se ka kulu torin ka bō a nō na'. Anw b'a jini MAKOCI Kafoyiriwatōn bëe fe u ka baara ke min b'u kōnomogow nafa ani ka yoro were mögōw bō u nunma.

Fen min ye Ngolobugu kafoyiriwatōn kono mögō ye ani MAKOCI ka lasigiden minnu b'u fe yen, fo ka dogotoroso baarakelaw ma, an bë bën de jini u ni njogon ce. K'a jini u fe u ka cikelaw ka hëre jinini n'a lasabatili dōrōn de k'u ka jinifén ye. An b'a dōn ko bën b'u ni njogon ce ! An b'a dōn ko manamana fadenya kolon ma delika don u ni njogon ce. An dalen b'a la k'o yere tēna donyoro soro u ni njogon ce ka d'a kan u bëe b'a dōn ko jecí kelen min b'u la, o ye cikelaw ka jetaa lasabatili de ye. An hakili la, u tēna ko were jini o k'o !

Tumani Yalam Sidibe

Ka bɔ Kɔdɔwari kɔɔri cikɛda "CIDT" kunnafonisɛben "CIDT INFOS" Kɔɔ "An b'an ka cikɛlaw dege kalanje ni sɛbenni na".

Ka se ka kunfinya kɛlɛ, o min yefendɔnbaliya taamaseere ye cikɛlaw kan. O bɛ k'u yɛrɛ ka kan fota la, kalanje ni jate ani sɛbenni, ni signindenwyeminnu samanna ka bɔ faransikan na. O ye fɛn ye min ye kabako ye. Nk'o de tijɛ be kene kan Mali jamana kɔɔ. Kɔdɔwari kɔɔri cikɛda "CIDT" nɛmaaba kɔrosigi seneko taasira la, n'o y'an jɛnogɔnke Doso Loseni ye, o ye taama ke Mali kɔɔ kosa in na, Mali cikɛlaw ka wale ye a ne fa balikukalanko siratɛgɛ la. A ye fen min kolɔsi obɛ mogɔnimisiwasa haali. Cikela kalannen ka faamuya sɔɔ ka telin ladilikanw matarafali la bara yiriwasiraw kan. O wale o min be wele ko balikukalan, CIDT fana b'a fe k'odedamineka maraw kɔɔ cikɛlaw ye. O baara damineta o kalifalen don mogɔ min na, n'o ye Doso Loseni ye, o ye jaabi minnu di CIDT kunnafonisɛben ma, o file ninnu ye :

CIDT kunnafonisɛben : Nɛmaa kɔrosigi, a be waatinin bɔ bi kuma ke ka ke baarabolo kura dɔ daminəni kan CIDT kɔɔ, n'o ye balikukalan ye. Yali i be se k'o ne bɛre-bɛre fo an ye wa ?

Doso Loseni : An k'a fo k'o baarabolo be sɛben de kɔɔ folɔ. Ob'a jira k'a m'a damine folɔ duguw kɔɔ. Nka ni kow bɛe bɔr'u sira fe, CIDT nɛmaaba ka lajini de ye a ka lawaleyali damine duguw kɔɔ kalo folɔ walima kalo filanan nata. O de hukumu kɔɔ, n'bora ka taama ke Mali kɔɔ, olu minnu be balikukalan na ka bi san 20 bi.

CIDT kunnafonisɛben : Balikukalan yɛrɛ ye mun fɛn ye de ?

Doso Loseni : Balikukalan kɔɔ surun ye kalanje ni sɛbenni kalan-ka



Doso Loseni

se ye kan fota do la. Anw fe yan, a ka c'a la, o be ke faransikan de la. Nka balikukalan tigitigi ye de n'a y'a sɔɔ kalan in be don adamaden ka baara keta de kadara kɔɔ. O rɔ, cikela b'a barakan kumadenw dɔn ka ban, a to ye k'u sɛbencogo dɔrɔn de nɛdɔn, a dañew n'a kanjew. Cikela te kalan dɔwɛre la a yɛrɛ ka kan fota kɔ. N be misalit abamanankan kan, anw b'a fo min ma ko julakan. Cikela b'a dɔn ka kɔronamasa ye mun fɛn ye. O rɔ, n'a sera k'a kanjew sigi nɔgon kɔna-masa, O ye koba kelen y'a fe. O be cogo min na, "namasa binna" o fana b'o cogo kelen na. Ni cikela sera o cogo la k'a ka kan fota dañew sɛben ni kanjewye, anik'u dɔn ka bɔ nɔgonna, kunnafonisɛben be se ka d'a ma a yɛrɛ ka kan na, a te geleya sɔɔ min kalanni n'a faamuyali la.

CIDT kunnafonisɛben : Yali an be se k'a dɔn mun de be ka lajini CIDT fe balikukanko in na wa ?

Doso Loseni : In'a fo a be ke kuntilen na min kan nɛtaa baarada bɛe fe cogo

minna, CIDT b'a jinidek'a ka cikɛlaw ka faamuya lasabati cikɛ yiriwa baaraw la, ni balikukalan ye. Bi bi in na, seneko setigida (minisiriso) b'a fe de ka cikɛlaw k'u yɛrɛ kɔrɔ karamogow ye u ka baaraw la. Odun te se ka ne sɔɔ fo n'u y'u ka foro - kɔɔ baaraw bɛe kesira bereberewdon. Oduntɛ se ka ke fɔn'u sera ka baarakalan gafew kalan u yɛrɛ nagakɔɔ : ka se ka furakeli keminənw labaarakogo kalan ; ka tubabunogow labaarakogo kalan ani binfagalaw ta... Aw b'a dɔn k'o si te se ka ke balikukalan sabatilen kɔ. Balikukalan bɛna ke sababu ye ka sene yiriwabaara dɔw lawaleyali to cikɛlaw yɛrɛ bolo. O misali be ta baaraw kolɔsili ani cikɛlaw ka jekuluw taabolow kan. O misaliw nɛfada ye Malita ye. Bi-bi in na, baara bolo si te se ka lawaleyaya yen cikela kalannen jolenw kɔ. O ka kan cew la cogo min a ka kan musow fana na ten. Osiratɛgɛ kelen fe n be mogow nkalontigya minnu b'a fo ko cikela san 40 min ma deli ka taa kalanso kɔɔ, k'o te se ka kalan tugun ka faamuya kalanje ni sɛbenni ani jate la. Sifile kalansenw y'a sementiya kotile 45 kɔɔ, kalansen telin be se k'a to cikela ka kalan a nɛma f'a be se ka kunnafonisɛbenw kalan.

CIDT kunnafonisɛben : Nɛmaa kɔrosigi, kɔdɔwari kan fotaw ka ca yali olu do rɔ kelen sugandili geleya tena sɔɔ balikukalanko in kanma wa ?

Doso Loseni : Ayi cogo si la. An y'a naniya ka baara ke ni senufokan ani bamanankan de ye, n'an k'o ma ko julakan. Kun fila de b'o naniya o la.

A kun folɔ ye kan fila ninnu foli ye an ka cikela fanba (80% ni kɔ) fe. A kun

filanan ye baara keli joona ye ka sira soro. Mali jamana min y'an ka taamaseere ye baara in na. O y'a damine kan fila ninnuna a meenna. O b'a jira ko kalangafew be yen ka ban. An tēna a damine tugun n'olu dilanni ye. CIDT mara cikela 80% be kuma bamanankan, walima senufokan, walima, kan fila ninnu bee la nōgōn fe. N be misali ta o kan ni Manakoro maraba ani səgela ni tuba maraw, "koyoka" be fo yorō minnu na. Koyoka dun te dōwəre ye bamanankan yeləmabolo do kō, min furancew be laben kalan yere sen fe. In'a fōn y'a fo cogo min na, CIDT be fen min jini, o ye cikelaw lafaamuyali de ye baara kəgafew kalanni n'u labaarali la. O sebenw dilancogo b'a to cikela be se k'a ka tubabuno go jinisəben kōnokow jēdōn a jēma ani ka se k'a ka foro kōnokow jēnabōsəben labaara. A b'a dōn ko : jinian, tubabuno go bōrehake in de taara ne ka forokene tari 2 la ani binfagalan nifēnjēnēma fagalanhake in. A kun ye fana cikela ka ke kōri sannifeere temensira bee kalama walasa a yere ka d'a la k'a te ka sōne i'n'a fo a tun b'o miiri tuma bee cogo min na. Aw yere b'a dōn ko cikelaw ka jekulubaw (GVC) kōnō gelyabaw do ye bi-bi in na, danayabaliya ye a mōgo kalannenw ni cikelaw ni nōgōn ce. N'a dun y'a soro cikela yere kalannen don, sannifeere kēsəbenw be d'a ma, a yere b'a dōn min b'a ka soro kun kan. A b'a dōn k'a ka soro benna dōrōme 40000 de ma, ko dōrōme 36000 te. A b'o kun dōn fana.

CIDT kunnafonisəben : O n'a taa bee, yali CIDT miiri la karamogow kalanni ni kalangafew dilancogo la wa ?

Doso Loseni: An ni baara jēninida do ye jatemine k'olu kan nōgōn fe yan, n'o ye "ISTP" ye. O mōgo faamuyalen



Kalan ka di k'a masoro a b'a dibaga lawasa, k'a soro baga kunnawolo

fila yere bēna bila an ka bolo kan. An be baara nōgōnya demen fana jini an jēnōgōn Malidenw fe, baarasira b'an n'olu minnu ce ka kōrō sene yiriwa dakun na. O siratēge la, Mali mōgo faamuyalenw be se ka n'o karamogokalanw k'an ka kalansow kōnō yan. An be se ka baara damine fana ni Mali ka balikulalansebenw ye fo ka se san 2 ni san 3 ma kunnafonisəbenw b'o la. Nka an ka kan fana an k'an miiri kunnafonisəben do dilanni na an yere bara yan. Baara b'o k'un bō. Sanni o waati ce, CIDT ka Kunnafonisəben (CID INFOS) be se ka jē 2 labila bamanankan kanma a ka bōkow kōnō. N b'a fo aw ye ko jamana dōw be yen bi, i'n'a fo Benen, barakanw kunnafonisəbenw be lajaga cikelaw yere fe yorō minnu na. Baara jējinigafebaw ni jamana taabolow gafew be bayelema u fe fasokanw la, k'u labo kunnafonisəbenw kōnō. Okunnafonisəbenw feerewari de be ke k'u labaarali musakaw bō. N be segin n kō dōonin aw ka jininkali kan, kan kelen sugandiliko la Kodowari kan camanw cero. O gelya jēgōn soro la Mali denmisenniw fana fe balikukalan

damine waati la ubara. O denmisēn tun b'u yere jininka ko olu ka kan ninnu kalanni be mun de lase u ma, jala te soro a la sanko wari soro-baara. Nka bi, o demisēn be waso de u ka kalan na balikukalan na. Olu de fana ye baara sabatili fitine yeelelēn wye u balima kungokōnōmōgo kalanbali tow bolo. Hali musow yere fana y'u sēbe don balikukalan ma walasa k'ukunkow jēnabō feere juman soro. O ye ko jumanba ye.

CIDT kunnafonisəben : A fo an ye de n'a y'a soro CIDT walima cikelaw, min fōlō ye balikukalanco nafa ye.

Doso Loseni: Hakilinan fila beekera in'a fo ubenna jēgōn ma ka da kūn fila kan. O fōlō ye taama-ka-bo-jēgōnna ye min caman kēra CIDT ni Mali ce. An ye kōlōsili ke o taamaw senfe san camankōn, ko balikukalan ye nafaba lase Mali cikelaw ma. O de kanma an fana y'a jini ka balikukalan sifile an ka jamana kōnō yan. O temennen ko Kodowari cikelaw ye taamaw ke kātaa bō Mali cikelaw la. "URECO-CI" ni "GVC" jēmaaw b'olu la. O siratēge kelenna, "URECO-CI" peresidan sera Senegalijamana fana kōnō. Ojamana fila kelen-kelen bee kōnō, an ka cikelaw

KA SE DUGUW MA

ne fara u balimaw, o jamanaw kono ciklaw ka wale kelenw la. Misali la, u kelenk'ubalima ciklawye katarakiteri ninisebenw n'enab, k'u yere ka sorofenw pese u ka kanw la, o y'u ne mine kosebe.

U koseginnen Kodojari u fana y'a jini ko ka balikukalan o suguya k'u fanq kun. U dar'a la i n'a fo anw, ko seneko baarabolow te se ka nesoro a nema ka soro ciklaw yere te se k'u yere n'enab baarasabenw la. Nka nin baara in te se ka nesoro fo n'a kera jamana kono-baara bolodalen sabatilen do ye. O de kanma an ye feere bee sigi sen kan walasa a be sira soro. Walasa baara suguya in (balikukalan) ka sira soro, a wajibiyalen don a baaradabaw ka sigi sen kan. O be o cogo la Malikono, n'o ye DNAFLA ye in'a fo o n'ogon b'an fe yan cogo min na. Ka bi 1960 sanw la, o DNAFLA de ye gafew dilan bamanankannifulakan anisenufokanna...MAKOI(CMDT) de y'a jini DNAFLA k'o gafew labo ani k'u r'kuraya u nafa yelen kanma. MAKOI (CMDT) y'o gafew de labaara ni DNAFLA ka mogoa faamuyalenw ka demen ye.

CIDT kunnafonisben : Cikela kalannen ye ko numan ye. Nka yali o tene na ni doni were daliye CIDT kuna fara a yere kabarakelawmusakaw kan wa ?

Doso Loseni : O be se ka ke dige. Nka a kafisa an k'o geleya kun n'an'ta fe cikela ka to kunfinya la a ka dijenatige bee kono. A kera cogo o cogo ciklaw ka faamuya be yiriwa ka t'a fe de. O be se, dige, ka ke ka ne ani teliya la ni balikukalan ye. O de koni ye seneko minisiriso ni CIDT ka lajini ye walasa baaraw bee be ke jelenya kono hake bee la.

CIDT kunnafonisben : O ro sa an be se k'a fo ko balikukalan ben'a to

cikela k'a yere ka baara ketaw taabolow bee faamuya ani koori baara taabolo. Yali o ye e fana ka hakilinan ye wa ?

Doso Loseni: Tigitigi. An ka miiri la ciklaw lafaamuyali u ka baara ketaw la, o bena ni "OPA" sigili ye sen kan (OPA : cikela baara n'edonnaw ka jekuluw). O fana b'a to sen yiriwabaara koro be se ka to ciklaw yere bolo walasa CIDT k'i nesin yiriwakalanw n'jinini ma

CIDT Kunnafonisben An dun be se k'an sigi ni baara in damine ye waati jumen na ?

Doso Loseni: Ni kow taar'u sira fe, an be tile 25 kalan damine karamogow kun 1994 san kalo folo la. N b'a jira aw la ko Mali kono, o karamogokalan musaka bee be bo ciklaw yere de kun. O musakaw file ninnu ye : kalanminenw sanni ; sigifenw sanni ; kalansojoli duguwkono anikaramogow ladonwari. Ciklaw ka jekuluw b'o musaka bee ta n'ogoya la.

CIDT Kunnafonisben: Adun bena ke anw fe yan cogodi ? **Doso Loseni :**

A fana be k'o cogo la ni ciklaw ka jekuluw ye. A be se ka ke baara

daminewaati folow la, CIDT be karamogow ka taamaw musakaw ta kalandaw ni n'ogon ce. N'a b'o la, ciklaw yere de be kalanminenw ni sigifenw ani karamogow ladonwari musakaw ta.

CIDT Kunnafonisben :

N'a b'o cogo la, mun de dun y'a ke ninwaatijan in ka makonon walasa ka baara in damine ?

Doso Loseni: N'ogonyew ani n'jinini tun wajibiyalen don. Kalan keminen fana tun te yen ... An ka ciklaw ka faamuya fana tun ma barika soro folo in'a fo a be cogo min na bi. Bi-bi in na olu yere de be sannifeere bee lajelen ke. An be se k'a fo ko labenbolo bee tun ma bo folo. Sisan, a waati sera sa ka b'onogola sira lajeya. N'okera, cikela mana d'orome 40.000 taseben soro, a be se k'a kalan julakan na. A b'a seben fana ni 4 kelen ye ka fu 4 tugun o la.

Nin jininkaliw bora CIDT kunnafonisben boko 16 n'kono, 1994 san kalo 2n .

Bayelemabaa
Tumani Yalam Sidibe



Balikukalan kera sababu ye ka Benen jamana ce n'a muso bee sen don fasobaara la

Kodowari Jamana

Kodowari Jamana ye farafinna tilebinyanfan jamana ye min yéremahoronyara 1960 san Kolo 8 nan tile 7.


Bi, ni kuma diyara n da, a bë se ka foko farafinna tilebin yánfan jamanaw rójamana yiriwalenba don k'osababu k'a ka sénéfénw nafa bonya ye, kérénkérénnye la a jiriforow, bawo olu y'a nafolo sorosiraw róbarikamaw ye. Malo, ku, kaba ani tigaforow kofé, Kodowari jamanadenw césirilen bë haali kafe, kakawo, ten, namasa, woro, anana, si ani kooriforow baara fe.

Min ye Kodowari jamana nafoloko dabensiraw ye, kémé-kémé sara la, kafeforow jélen bë ni 60 haké ye, kakawo jéyoro ye 20 ye, jiriforow ta ye 11 ye, tentulu ni jégew ta ye 6 ye.

Baganmara fana ye Kodowari jamana nafoloko dabensira do ye ka fara dankanw kan minnu ye : Abijan dankannisandara ta ye. Kodowari jamana kilométrë 322.000 kan, adamaden 11.200.000 sigilen bëyen. Sigi cogoya la, maa 38 jélen bë kilométrë kelen na. Siya 60 haké jéyonna de cérinnen don Kodowari jamana seleke 4 fe, minnu ró kunbabaw ye Bete, wobé, guwere, Bawulen, Aji, Asanti, jula, senufo, Ebiri ni Maninka ye, ka fara tungarankewkan. Bagenklosibagaw y'a jira ko kémé-kémé sara la, ko Kodowari jamana bange ye 50,9 haké ye, saya lahala ye 14,2 ye.

Dabalidako la, Kodowari jamana tolen te kó. An bë don min i ko bi ; jiri dabalida, tulu, safuné nigaaridabalida bë Kodowari minnu fana b'u jéyoro fa jamana nafoloko dabenni na.

Nin kunnafoni dilen ninnu te na se



ka ke fen dafalen ye ni da ma se Kodowari jamana dugubaw ma. Osiratége la an bë Abijan kofé, o min kéra jamana faaba fólo ye ka soro ka

Yamusokoro d'ale kan, ka Basuma, Buwake, korogo, Man, Gajowa, Agbowili ni Dalowa tugun o la. Jikota fan fe, ba Bandama, Sansandara ni kamowé bë Kodowari jamana dugukolo sèbekoré són ji la. Kodowari jamana kanw ka ca, nka nanzarakan, Bawulen kanniulakan anisenufókanw ye maa-mako jénabó kanw ye minnu sèbekoré cérinnen don jamana kónó kosebé.

Ka fara Benba-diine kan, silameya ni kereciyéna diine bë Kodowari.

Kodowari jamana ye UEMOA (Sefawaridun jamanawka tón) tondéne ye. Sefa wari de bë dun yen.

Ufuwti Buwañi kéra Kodowari jamana-kuntigi fólo ye (Ala ka hinc a la).

Bakari Sangare

Saya bë bu dun nk'a té togó dun

Taratadon, san 1994 Zuwenkalo tile 29 sôgômadafé sangasében ser'an ma fana Makoci jémogoso la : An baarakéjégon, an jéjégon, an balimaké : Abdul Kulibali Fatura. Kibaruya o folen, Jama sumana

Saya té jón to k'i ye fentigi ye.
Saya té jón to k'i ye fantan ye.

- Jón bëe n'i dakan
- Jón bëe n'i nakan
- ni min ka waati dafara o bë taa
saya si manjugu fófunanken i saya

Abdul Fatura k'a si to san 40 la Ale tun ye Kumantu MAKOCI Kafokuntigi ye a bë san fila bobi sanni a ka taa yen, a ye waati jan ke Fana MAKOCI marala : a ye Masigi ani Doyila kafo Kuntigya ke, min kéra sababu ye a ni fanakaw jéra kosebé. Abdultun yemaa ladamunenye, bawo a tun ti' yéra bonya maa si ma. Baarakela tun don; maa jélen don - A ye Faso soro bila a yére ta jé.

Abdultun ye maa sabalilen ye, dan te min ka masebeyala - An fana MAKOCI: jémogoso togó la, baara kélaw togó la - cikélaw togó la - an nisongoyalen nian dusukuntorélen bë foli ani dubabu ke fure n'a somaaw ye : Ala ka hinc taabaa la - Ala k'a dayororo sumaya. Ala ka hinc k'a kó. Ala k'a lahaba fisaya ni dijé ye. A y'an kón min ha Ala k'o négoya. An bë taa jé min na, Ala k'o nonégoya. Ala k'an yère ne k'an ta kónon.

Ala k'a kaburu ncoró a ye
Ala k'a fara kira mantow kan
Ala ka Melséke numan sigi a kunna
Ala k'an fama a jégon wére ma
Bataki in bora Dotigi Sako yoróka ci
jékabaara kanubagaw n'a
kalanbagaw ma.

Dotigi Sako ko "Jékabaara"
Kalan bolofara Fana MAKOCI
jémogosoba.

Laben ketaw 1994/1995 baarasan sannifeere kecogo juman kanma

Kuma-dadon :

Mogosite koorinafa fomogoye Malika soroda basigili la. Ale ye Mali ka kokanfen feeretaw robarikama ye. Ka da kooribaara labarikali kan dijne kono ani sefawari barika binni fo kaa taa se funteni cogoya ma, an ka jamana ka koori sannifereta, 1994/1995 baarasan na, o hake b'a ta toni 3 30 000 ka se toni 3 50 000 ma. Osiratoge la, laben dow ka kan ka ke walasa koorisorta owurusilibenogoya ani k'a kalite ne fana.

I. Laben kelenw

a) O be damine ni forokeneh hake jenjen dogni ye, a nininen don koorisena bese fe, u k'u ka kooriforow hake lakita kofo duguyiriwatow sebenjenabowlaw ye ani MAKOCI lakolidenw. Forokeneh jatemineni be damine o waati kelen na ni busoli ye. Forokeneh hake dogni b'a to jateminis be se ka nogoya koori sora hake la, walasa:

- ka se ka a don nafolo hake min ka kan ka jini bankiw fe;
- ka labenw ke koori koloma lasagonyorow la MAKOCI magasaw kono ani k'a don koori hake min be taa wurusi dafe-jamanaw kono (Kodowari Burukina-Faso);
- ka laben ke koori wurusilita kanma anyerebara yan. Ka kooridoni feerew tige ka se MAKOCI ka dabalistaw la. (MAKOCI ka kamiyonbaw / ani keneyeleyew ta).

b) Forokenehakedonni b'a to an fanga be se binjuguw la. O b'a to koresenni filanan kana korobarili lasa. A man kan binjugu bonnenw ka saalon k'u ton koorisun senkor.

Koeriforo binjuguw silatununi bena ni soro lakika ye koorisena ma.

c) Koori furakeliw (fennjenamaniw)

Koerifura fennjenamanin fagalan suguya fila de b'an bolokoro.



*Dugukolo nafa be soro a labaara cogojuman de fe.
Senefen nafa be soro à ladoncogo fe.*

N'aw bena furaji nagami, awka na folo ka fura folo ke furakelimasin kono. Aw be ji kitiri 2 njogon k'a kono folo ka soro ka fura k'o kan.

Bi-bi in na, fen jenamanin fagalan suguya 3 de be yen.

- Suguya folo : Obenkobonninw fagan. Ale bidon kofolan ne ye bilenman-nuguji ye.

- Suguya filanan : Ale be nkobonninw ni ntumuniinw faga. A kofolan ne ye bilenman-bulama ye.

- Suguya sabanañ : Ale be nkobonninw ni ntumunin faga ani koribulu dunna tow bese. A kofolan ne ye bilenman-nuguji-bulama ye.

Walasa ka furakeli juman ke, furakeli kunfolow ka kan ka ke waati bese, ni suguya foloye (ne bilenman-nugujima) ka soro ka kosafe furakeli ke ni suguya filanan ye (ne bilenman-bulama).

Fen min ye fura sabananw ta ye (ne bilenman-nugujima-bulama), olu be se ka ke koori-forola furakeli waati bese kono.

A kafisa an k'a don koori soro n'a

kalite dulonnen don koori forofurakeliw kecogo juman n'u keli la u waati la. Awa cikela fana ka soro b'o de la.

Koori bo

Koori bo joona wajibiyalen don jinan, walasa koori danmatemen sora bese se ka wurusi.

Sigida minnu y'u ka danni tila ke ka ben kalo 6 nan tile 30 ma, olu bena jate. O sigida minnu lasoro ka di, olu ka kooriw celi be boloda ka jesin dabalistaw ma. Tile fila, walima tile 3 kooribokanunen don. Koorisorta bota hake bonya n'a ta o ta, a nininen don koori senena bese fe, u k'u yere mine koori bo joona ladiyalifen nata ma. U kana tondenw (denmisenkulu, musow ni kalandenw) bila u ka forow kono. Forow ladon konuman ni koori ka keneya musaka bojenw nafa be don bogal, ni koori balaka-balaka bora. Maanabore konnen don koori lasagoli la.

Koorkolo lasagonni

Koɔrikalite juman matara falibetem a lasagonni ko juman fe forow, bugusow ni marayɔrow kono.

Okanma, bugusow kono na ka kan ka laben konuman walasa koɔrikolo ka se ka lasagon u kono ka waati jan ke. Kafonogonya bena sebekɔro lajini koɔri celi joonaw kadaña kono.

Siraw ni koɔri marayɔrow labenni Fen min ye siraw ta ye, segin ka ke kecogo koro jumanw ma sigidaw ni nɔgon ce : dingegeren, binbo jiri barontige. Sira-laben. Baara kologirinw be ke MAKOCI fe. Koɔri lasogonyɔrow bese k'u ka jokun danma

hake metere 2 soro. Kogow barili ni sokɔnɔnaw penpenni ka ke a nema. Kabakuru ni belemisew ka kan ka ce ka bo koɔri marayɔrow kono.

Koɔri donni mobilibaw kono

Koɔri senenaw ka kan k'u jija walasa mobilibaw ka lafa joona minnu se hake yetoni 20 ye. Benni wotoromaw be taa-ni ka segin hake 2 ni tila de ke tile kono bennigasanwta hake ye siye 1 ni tila ye.

Ka bo MAKOCI ciŋe bolofarala

An k'an ka koɔri furake ka ne ; k'an ka forow koro sen ka je ani k'a koɔrobari.

An k'an ka forokene hake lakika don ani k'a kofo ; an k'an ka koɔri bo joona, k'a lasagon finibɔrew kono ani k'a lamara yoro juman na. N'o kera an ka koɔri be k'an sago ye diŋe koɔrisugubaw kono.

Awa an ni MAKOCI be to nɔgon jigiya la.

TULON TE SEBE SA

Nin ye karamogɔ Yoro ka maana ye

Tige filanan n'a laban

Kɔrika ka soro ka kamalen deli a ka dumuni ke. Bilali ye dumuni dayelen, zaame ni sogo caman tun don. Wulu in ye k'i wara fa kini na. Yoro ne be nin bee la k'a to jiri sanfe. Tuma min kamalen k'a be na misiw nofe Kɔrika ko Bilali te taa fukajefob. Ah! baara de bena dabo sa. Muso ye k'a ka tafe bo k'i da o kan, kamalen yere ye ka kulusi bo. Kanubaa fila melekera nɔgon na. O yoro la, limamiya tun be nini ka tila Yoro la. Fo a tun ben bo jiri kan ka ben mogo ninnu kan. Nka a ye k'i ne datugu ka jiri bolo min ekosebe. Utilalen, Bilalitaara misiw ko, Kɔrika ye ka so segeré. Usi m'a don ko Yoro tun be sanfe. U faralen ko, ka men, Yoro yere jiginna ka taa so.

Sukora dɔrɔn a ko kɔrika ka taa u ka so a furusara. Muso m'a furusakun dɔn. Dugu bee ye ka delili ke o si ma mako ne. Kɔrika ka furu banna o cogo la. A to tora denko ye. Yoro b'a fe k'a don min y'ale ta ye. Yoro ye ka Ala deli a k'a den jira a la. A nana sugo tugun : koni dugu jera k'u to dumuni na a ka muru ta k'a be den saba bee kantige. Ni minnu bolila, olu t'a den ye. Ni min ma boli, o de y'a den ye. Yoro ye k'a k'e a cogo la. K'u to dumuni na, Yoro ye ka muru ta k'a be den w kantige. Koro fila bolila, bee dogonin o ko halii ni baba b'ale faa a te boli. Yoro ye k'o min, bari o de y'a le den ye. Aye ka den to fila gen ka taa u

ba fe. Yoro nana muso were furu o ye ka denmuso kelen soro aye. Sandanmado o kofe, o muso nana faatu. Denmuso tora lamon na Yoro bolo.

I n'a fo Yoro tun ye donnikelaba ye, masake do ye ka ci bil'a ma k'a muso mankene, k'a ka t'o furake. Yoro n'a denmuso taara nɔgon fe o furakeliyɔro la. U selen masake y'u bisimila. U sira yen. Tuma min dugu jera, masake taarabanabaa to jira Yoro la. Ok'a le be se k'a ka bana furake fo ka kene ya. Masake musokelentun b'a damannaso la. Don o don Yoro be taa fura di muso ma a ka so. Bana nogoyara. Barosenfe, masake muso jarabila Yoro la. Don do sufse, a ko Yoro ka taa a ka so u ka baroke. Yoro şonnan o ma. Sukora dɔrɔn karamogɔke k'a denmuso ma k'a be t'a ka banabaato laje ka na. Yoro taara muso fe yen. Baro diyara. A tora yen. fo ka dugu je. Sunogɔ tun temenna a kan, amaseka wuli. Kenebolen, karamogɔke denmuso ka soro k'a fa ka finiw don a yere la k'a yere ke cekɔrɔba ye ka taa masake muso ka so. Aselen, a ye ka fa ka finiw bo ka d'a ma, o ye k'olu don, denmuso yere ye k'a ka finiw don ka bila a fake Yoro, o be pereenna a ko fe. A kera i n'a fo denmuso de taara baro ke masake muso ka so, ka si yen fo ka duguje, n'a fa taara a gen ka bo. fo mögow be Yoro soronadon a kana

denmuso bugo. Mögow ma u ka feere sidon abada. Masake yere m'a don ko furabola sira ale muso fe. U selen so kono Yoro ye ka dugaw caman ke a denmuso ye. N'o te, masake tun mana b'ale kalama, a tun be faga. Denmuso ye k'a fa kisi nincogo de la. O don bee, Yoro ko muso ka bana kene yara, a ye ka sira jini masake fe ka segin a ka dugula. Masake n'a muso ye ka nafolo caman di Yoro ma, k'u bilasira.

Yoro ka soro ka segin a ka dugula a n'a denmuso.
Jininkali : Yoro ye k'a muso fo furusa jene ya kanma, ale yere dun soro la jene ya la f'a denmuso de ye k'a tila. O tuma mun ka kan ka ke an ka karamogɔke la?

Ka bo Zanbugu

JEKABAARA SEBENJEKULU

Laboli kuntigi
Salif Berte
Sebenjekulukuntigi
Tumani Yalam Sidibe
Sebenjekulu mögow
Tumani Yalam Sidibe, Salif Berte
Bakari Sangare
Sebenyoro orodinateri la
Jamana gafe sebenyoro
Baarakenogon
MAKOCI, "OCED", "SNV"
Jensenyɔrow
MAKOCI, "ODIK", OTIWALE, "ODIMO"
Labugunyoro : Kibaru
Bojogonko hake : 11 000